



**ҚАЗАҚСТАН РЕСПУБЛИКАСЫ ҒЫЛЫМ ЖӘНЕ
ЖОҒАРЫ БІЛІМ МИНИСТРЛІГІ**

**«Д. СЕРІКБАЕВ АТЫНДАҒЫ ШЫҒЫС
ҚАЗАҚСТАН ТЕХНИКАЛЫҚ УНИВЕРСИТЕТІ»
КОММЕРЦИЯЛЫҚ ЕМЕС АКЦИОНЕРЛІК ҚОҒАМЫ**

**ӘЛЕУМЕТТІК, ЖАСТАР САЯСАТЫ ЖӘНЕ ИНКЛЮЗИВТІ
ДАМУ ДЕПАРТАМЕНТІ**

БЕКІТІЛДІ

«Д. Серікбаев атындағы ШҚТУ» КеАҚ
Ғылыми кеңесінің шешімімен
2025 жылғы 28 қазандағы №3 хаттама

**«Д. СЕРІКБАЕВ АТЫНДАҒЫ ШҚТУ» КеАҚ БІЛІМ
АЛУШЫЛАРЫНЫҢ АКАДЕМИЯЛЫҚ АДАЛДЫҚ КОДЕКСІ**

ПР КеАҚ «ШҚТУ» 059-II-2025

**Өскемен
2025**

Коммерциялық емес акционерлік қоғам «Д. Серікбаев атындағы Шығыс Қазақстан техникалық университеті»		
К КеАҚ «ШҚТУ» 059-ІІ-2025	«Д. Серікбаев атындағы ШҚТУ» КеАҚ білім алушыларының академиялық адалдық кодексі	17 беттің 2-беті

«Д. Серікбаев атындағы ШҚТУ» КеАҚ білім алушыларының академиялық адалдық кодексін Академиялық қызмет департаменті және Әлеуметтік, жастар саясаты және инклюзивті даму департаменті нормативтік-құқықтық актілер мен «Назарбаев Университеті» автономды білім беру ұйымының «Студенттердің мінез-құлық кодексі және тәртіптік рәсімдері» құжаты негізінде, сондай-ақ жоғары білім берудің еуропалық кеңістігінде сапаны қамтамасыз ету жөніндегі ESG стандарттары мен ұсынымдары негізінде әзірледі.

«ШҚТУ» КеАҚ Ғылыми кеңесінің отырысында талқыланды, 2025 жылғы 28 қазандағы №3 хаттама.

Коммерциялық емес акционерлік қоғам «Д. Серікбаев атындағы Шығыс Қазақстан техникалық университеті»		
К КеАҚ «ШҚТУ» 059-ІІ-2025	«Д. Серікбаев атындағы ШҚТУ» КеАҚ білім алушыларының академиялық адалдық кодексі	17 беттің 3-беті

Мазмұны

1. Мақсаты және қолданылу саласы.....	4
2. Нормативтік құжаттар.....	4
3. Терминдер мен анықтамалар. Қысқартулар.....	5
4. Академиялық адалдық қағидаттары.....	6
5. Академиялық бұзушылықтардың жіктелуі.....	7
6. Академиялық бұзушылықтар үшін санкциялар санаттары.....	12
7. Барлық санаттағы санкцияларды қолдану рәсімдері.....	13
8. Кездесулер мен тыңдаулар рәсімін өткізу тәртібі мен қағидалары.....	15
9. Білім алушыларға арналған жалпы ұсынымдар.....	15
10. Білім алушылардың академиялық адалдығын қамтамасыз ету жөніндегі сыбайлас жемқорлыққа қарсы комплаенс қызметінің рөлі мен функциялары	16
11. Профилактика және оқыту.....	16
12. Қорытынды ережелер.....	16
1-қосымша – Өзгерістерді тіркеу парағы.....	17

Коммерциялық емес акционерлік қоғам «Д. Серікбаев атындағы Шығыс Қазақстан техникалық университеті»		
К КеАҚ «ШҚТУ» 059-II-2025	«Д. Серікбаев атындағы ШҚТУ» КеАҚ білім алушыларының академиялық адалдық кодексі	17 беттің 4-беті

1. Мақсаты және қолданылу саласы

1. Осы Кодекс ҚР Конституциясына, білім беру саласындағы заңнамаға, ШҚТУ-дың ішкі нормативтік-құқықтық актілеріне сәйкес әзірленген және Д. Серікбаев атындағы ШҚТУ-да білім алушылардың мінез-құлқын реттейтін нормалардың, қағидалардың және рәсімдер жүйесінің жиынтығы болып табылады. Бұдан басқа, академиялық бұзушылықтар және білім беру процесіне байланысты емес бұзушылықтар қаралады, сондай-ақ білім алушыларға бағытталған қажетті қорғауды, тиісті құқықтық және әділ рәсімдерді Университеттің білім беру мекемесі және қоғамдастық ретіндегі стандарттары мен беделін сақтау жөніндегі саясатымен теңгеру мақсатында әрбір нақты жағдай үшін әзірленген рәсімдер сипатталады.

Ереженің талаптары «Д. Серікбаев атындағы ШҚТУ» КеАҚ-тың барлық құрылымдық бөлімшелері үшін міндетті.

Ол «ШҚТУ» КеАҚ-тың ішкі нормативтік құжаты болып табылады және сапа менеджменті жүйесіне тексеру жүргізу кезіндегі сертификаттау органдарының аудиторларынан, сондай-ақ «Д. Серікбаев атындағы ШҚТУ» КеАҚ Басқарма төрағасы – ректорының рұқсатымен тұтынушы-серіктестерден (олардың талабы бойынша) басқа тараптарға ұсынылуға жатпайды.

2. Нормативтік құжаттар

2. Кодексті әзірлеу кезінде мынадай нормативтік құжаттар пайдаланылды:

1) 1995 жылғы 30 тамыздағы Қазақстан Республикасының Конституциясы;

2) «Білім туралы» 2007 жылғы 27 шілдедегі № 319-III Қазақстан Республикасының Заңы;

3) «Сыбайлас жемқорлыққа қарсы іс-қимыл туралы» 2015 жылғы 18 қарашадағы № 410-V ҚРЗ Қазақстан Республикасының Заңы;

4) Қазақстан Республикасы Білім және ғылым министрінің бұйрығымен бекітілген 2018 жылғы 30 қазандағы № 595 Жоғары және жоғары оқу орнынан кейінгі білім беру ұйымдары қызметінің үлгілік қағидалары;

5) Қазақстан Республикасы Ғылым және жоғары білім министрінің бұйрығымен бекітілген 2022 жылғы 20 шілдедегі № 2 Жоғары және жоғары оқу орнынан кейінгі білім берудің мемлекеттік жалпыға міндетті стандарты;

6) Қазақстан Республикасы Білім және ғылым министрінің бұйрығымен бекітілген 2011 жылғы 20 сәуірдегі № 152 Оқытудың кредиттік технологиясы бойынша оқу процесін ұйымдастыру қағидалары;

7) «ШҚТУ» КеАҚ Сыбайлас жемқорлыққа қарсы іс-қимыл саясаты;

8) «Д. Серікбаев атындағы ШҚТУ» КеАҚ Жарғысы;

9) «Д. Серікбаев атындағы ШҚТУ» КеАҚ Сыбайлас жемқорлыққа қарсы стандарты;

Коммерциялық емес акционерлік қоғам «Д. Серікбаев атындағы Шығыс Қазақстан техникалық университеті»		
К КеАҚ «ШҚТУ» 059-II-2025	«Д. Серікбаев атындағы ШҚТУ» КеАҚ білім алушыларының академиялық адалдық кодексі	17 беттің 5-беті

10) «Д. Серікбаев атындағы ШҚТУ» КеАҚ білім алушыларына арналған ішкі еңбек тәртіптемесі қағидалары;

11) Дәрежелер беру қағидалары, Қазақстан Республикасы Білім және ғылым министрінің 2011 жылғы 31 наурыздағы № 127 бұйрығы;

12) Ғылыми қызмет нәтижелерін жариялау үшін ұсынылатын басылымдар тізбесіне енгізуге арналған ғылыми басылымдарға қойылатын талаптар, Қазақстан Республикасы Білім және ғылым министрінің 2016 жылғы 12 қаңтардағы № 20 бұйрығы;

13) Жоғары білім берудің еуропалық кеңістігінде сапаға кепілдік беру стандарттары мен ұсынымдары (ESG);

14) АС КеАҚ «ШҚТУ» 029-V-2025 «Д. Серікбаев атындағы ШҚТУ» КеАҚ Академиялық саясаты;

15) Е КеАҚ «ШҚТУ» 038-II-2024 «Д. Серікбаев атындағы ШҚТУ» КеАҚ-та барлық түрдегі жазбаша жұмыстарды кірме мәтіндерге (плагиатқа) тексеруді жүргізу тәртібі туралы ереже.

3. Терминдер мен анықтамалар. Қысқартулар

1) Академиялық адалдық – білім алушылардың бағаланатын жұмыстарды (бақылау, курстық жұмыстар, эссе, дипломдық жұмыстар/жобалар және т.б.) орындау кезіндегі, емтихандардағы жауаптарындағы, зерттеулердегі, өз ұстанымын білдірудегі, академиялық персоналмен, оқытушылармен және басқа білім алушылармен өзара қарым-қатынасындағы, сондай-ақ білім алушының оқу және ғылыми жетістіктерін бағалаудағы адалдығын білдіретін құндылықтар мен қағидаттардың жиынтығы.

2) Академиялық адалдықсыздық – білім беру немесе ғылыми қызметпен байланысты академиялық адалдық қағидаттарын бұзудың кез келген түрі.

3) Сыбайлас жемқорлыққа қарсы комплаенс қызметі – өз өкілеттіктерін атқарушы органнан, квазимемлекеттік сектор субъектісінің лауазымды адамдарынан тәуелсіз жүзеге асырады, директорлар кеңесіне, байқау кеңесіне (ол болған кезде) немесе өзге де тәуелсіз басқару органына есеп береді және Қазақстан Республикасының сыбайлас жемқорлыққа қарсы іс-қимыл туралы заңнамасы талаптарының сақталуын қамтамасыз ету кезінде тәуелсіз болып табылады.

4) ЖИ – жасанды интеллект.

5) «ШҚТУ» КеАҚ – «Шығыс Қазақстан техникалық университеті» коммерциялық емес акционерлік қоғамы.

6) Плагиат – автор мен кірме мәтін көзіне сілтеме жасамай, басқа авторлардың мәтінін, идеяларын, гипотезаларын, тұжырымдарын, әдістерін, зерттеу нәтижелерін, графиктерін, кодтарын, суреттерін немесе жұмыстарын пайдалану және (немесе) иемдену, сондай-ақ мағынасын өзгертпей сөздер мен сөз тіркестерін синонимдік ауыстыру арқылы басқа авторлардың мәтінін

Коммерциялық емес акционерлік қоғам «Д. Серікбаев атындағы Шығыс Қазақстан техникалық университеті»		
К КеАҚ «ШҚТУ» 059-II-2025	«Д. Серікбаев атындағы ШҚТУ» КеАҚ білім алушыларының академиялық адалдық кодексі	17 беттің 6-беті

пайдалану, оның ішінде басқа тілден аударылған мәтінді пайдалану. Плагиатты анықтау мүмкіндігін азайту немесе жою мақсатында техникалық құралдар мен тәсілдерді қолдану.

7) Санкция – құқық бұзушыға қолданылатын және ол үшін қолайсыз салдарға әкеп соғатын ықпал ету шарасы.

8) Шпаргалка – емтихандарда, тесттерде, бақылау жұмыстарында және білімді тексерудің басқа да түрлерінде сыналушының есінде сақтауға тиіс нәрсесін көріп алу немесе көшіріп жазу мақсатында пайдаланылатын ақпарат тасығышы.

9) Құжаттарды бұрмалау – зерттеу материалдарын, жабдықтарды, кескіндерді, иллюстрацияларды немесе процестерді манипуляциялау, соның салдарынан диссертациядағы немесе жұмыстардың басқа түрлеріндегі зерттеу материалдары бұрмаланады.

10) Фабрикация – жоқ дереккөздерге сілтеме жасау, дұрыс емес деректерді ұсыну және нәтижелерді, жазбаларды немесе олар туралы хабарламаларды ойдан шығару.

11) Дәйексөз келтіру (сілтеме) – дереккөзге жүгіну, пайдаланылатын материалдың білім алушының материалы емес екенін көрсету. Дәйексөз келтіру тәсілдері: төл сөз, төлеу сөз.

4. Академиялық адалдық қағидаттары

3. Академиялық адалдықтың негізгі қағидаттары мыналар болып табылады:

1) Академиялық қызметте адалдық пен өзара сыйластықты қалыптастыратын негізгі институционалдық құндылық ретінде академиялық адалдықты қамтамасыз ету;

2) Жоғары этикалық құндылықтарды қалыптастыруға бағытталған әділ және объективті академиялық адалдық қағидаларын бекіту;

3) Басқа білім беру ұйымдарының верификациялауға келетін транскриптітері негізінде білім алушының кредиттерін қайта есепке алудың нақты тетігі мен рәсімін айқындау арқылы білім алушыны оқытудың дәйекті және үздіксіз траекториясын қамтамасыз ету;

4) Академиялық адалдық қағидаттарын бұзғаны үшін жауапкершілік;

5) Оқытушының нақты тәртіп саясатын, білім алушыдан күтілетін талаптарды айқындауы;

6) Оқытушының академиялық мәдениетті қалыптастыруға ықпал ететін тәлімгер ретінде өз білім алушыларына құрмет көрсетуі;

7) Білім беру процесіне қатысушыларды академиялық адалдықты ілгерілеткені және қорғағаны үшін көтермелеу және ынталандыру;

8) Академиялық адалдық қағидаттарын бұзғаны үшін Қазақстан Республикасының заңнамасына сәйкес шаралар қабылдау;

Коммерциялық емес акционерлік қоғам «Д. Серікбаев атындағы Шығыс Қазақстан техникалық университеті»		
К КеАҚ «ШҚТУ» 059-II-2025	«Д. Серікбаев атындағы ШҚТУ» КеАҚ білім алушыларының академиялық адалдық кодексі	17 беттің 7-беті

9) Білім алушыларға білім беру, әлеуметтік және психологиялық қолдау көрсететін және академиялық адалдықсыздық көріністеріне жол бермеуге мүмкіндік беретін академиялық орта құру.

5. Академиялық бұзушылықтардың жіктелуі

4. Академиялық бұзушылық деп білім алушының мынадай әрекеттері танылады:

1) Рұқсат алмай немесе оның жұмыстарына сілтеме жасамай, басқа адамның жұмысы немесе күш-жігері үшін еңбегін өзіне иемденуге тырысады;

2) Оқу тапсырмаларын орындау кезінде рұқсат етілмеген материалдарды немесе жалған деректерді пайдаланады;

3) Академиялық құжаттарды немесе үлгерім ведомостарын қолдан жасайды немесе бұрмалайды;

4) Басқа білім алушылардың академиялық жұмысына қасақана кедергі келтіреді немесе оны бұзады;

5) Қандай да бір білім алушының үлгерімі туралы жалған ақпарат ұсынуға бағытталған әрекеттер жасайды;

6) Емтиханда немесе тапсырмаларды орындау кезінде кез келген нысанда көшіріп жазумен айналысады;

7) Сипатталған әрекеттердің қандай да бірін жасауда басқа білім алушыларға жәрдемдеседі.

5. Білім алушылардың академиялық адалдығын бұзу түрлері:

Плагиат – өзге адамның жұмысының нәтижелерін қасақана немесе абайсызда өзіне иемдену, оған білім алушының өз жұмысы ретінде ұсынылған, бірақ іс жүзінде толығымен немесе ішінара басқа адам орындаған тапсырма жатады. Плагиатқа сондай-ақ басқа адамның жұмысын, идеясын, тұжырымын немесе пікірін дереккөздерін тиісінше көрсетпей ұсыну жатады. Плагиат мынадай жағдайларда орын алады, егер білім алушы:

1) Басқа адамның жазбаша жұмысынан бір немесе бірнеше сөйлемді тиісті дәйексөз келтірусіз тікелей көшірсе. Бұл қағида Интернеттен немесе басқа электрондық дереккөздерден материалды көшіруге де қатысты;

2) Сөздерді өзгертсе, бірақ бастапқы дереккөзге сілтеме жасамай сөйлем құрылымын көшірсе немесе бір не бірнеше абзацты дереккөзге сілтеме көрсетпей жақын мағынада қайталап баяндаса, немесе графиктерді, суреттерді, сызбаларды, схемаларды және басқа да бейне немесе аудио материалдарды дереккөзді көрсетпей және/немесе автордың келісімінсіз пайдаланса;

3) Кез келген оқу тапсырмасында жалған немесе өзгертілген ақпарат ұсынса, оған эксперимент деректерін ойдан шығару, деректерді өзгерту, жоқ мақалаларға сілтеме жасау, ойдан шығарылған дереккөздер және т.б. жатуы мүмкін;

Коммерциялық емес акционерлік қоғам «Д. Серікбаев атындағы Шығыс Қазақстан техникалық университеті»		
К КеАҚ «ШҚТУ» 059-II-2025	«Д. Серікбаев атындағы ШҚТУ» КеАҚ білім алушыларының академиялық адалдық кодексі	17 беттің 8-беті

4) Толығымен немесе ішінара басқа білім алушы орындаған жұмысты тапсырса және оны өз жұмысы ретінде көрсетсе;

5) Жұмыс жазу жөніндегі арнайы сервистік қызметтерді, жұмыс жазу үшін басқа білім алушылардың қызметтерін пайдаланса немесе шет тілінен аударманы пайдаланып, материалды өзінің төл жұмысы ретінде көрсетсе;

6) Компьютерлік бағдарламалау сабақтарында басқа білім алушы жазған компьютерлік кодты пайдаланса.

6. Көшіріп жазу. Көшіріп жазу университет қоғамдастығына елеулі зиян келтіреді. Адал білім алушылар әділетсіздік фактісіне және пән бойынша бағалау жүйесінің олардың пайдасына емес өзгеруі ықтималдығына байланысты тиімсіз жағдайда қалады. Көшіріп жазатын білім алушы нақты білім алмайды, өзін толыққанды оқу дағдыларын игеру мүмкіндігінен айырады. Көшіріп жазу университеттің, сондай-ақ бүкіл қоғамның беделіне нұқсан келтіреді. Ақыр соңында, бұл бұзушылықтар тұлғаның этикалық құндылықтарын бұзады, болашақ мансабында пайдалы болмайтын дұрыс емес өмірлік ұстанымға үйретеді. Көшіріп жазу мынадай жағдайларда орын алады, егер адам:

1) Емтихан материалдарына рұқсат етілмеген қол жеткізуді алса немесе қамтамасыз етсе;

2) Емтихан кезінде оқытушының рұқсатынсыз шпаргалкаларды, ұялы телефондарды, кітаптарды, калькуляторларды немесе басқа материалдарды/құрылғыларды пайдаланса;

3) Білім алушылардың рұқсатымен немесе онсыз басқа білім алушының емтихан парағынан көшіріп жазса не басқа білім алушыға өзінің емтихан парағынан көшіріп жазуға рұқсат етсе;

4) Тапсырмаларды орындау кезінде басқа білім алушылардың жұмысына кедергі келтірсе немесе араласса;

5) Емтиханды немесе жазбаша жұмысты тапсыру мерзімін ұзарту туралы өтініште жалған себеп келтірсе;

6) Емтихан уақыты аяқталғаннан кейін жұмысты жазуды жалғастырса;

7) Емтихан өткізу кезінде сөйлессе;

8) Басқа білім алушыдан өзінің орнына емтихан тапсырмасын немесе тестті орындауды сұраса;

9) Емтиханда немесе кез келген бағаланатын тапсырмада білім алушыға әділетсіз артықшылық беретін кез келген басқа әрекет жасаса;

10) Жоғарыда сипатталған әрекеттердің қандай да бірін жасауға ықпал етсе және жәрдемдессе не осы әрекеттерді ұйымдастырса.

7. Мазмұнды бұрмалау. Білім алушылар жалған тапсырмаларды, зерттеулерді, сертификаттарды және басқа құжаттарды тапсыруға немесе ұсынуға, сондай-ақ академиялық мақсатта фактілерді бұрмалауға құқылы емес. Бұрмалауларға мыналар жатады, бірақ олармен шектелмейді:

1) өзгертілген материалдар мен зерттеу нәтижелері;

Коммерциялық емес акционерлік қоғам «Д. Серікбаев атындағы Шығыс Қазақстан техникалық университеті»		
К КеАҚ «ШҚТУ» 059-II-2025	«Д. Серікбаев атындағы ШҚТУ» КеАҚ білім алушыларының академиялық адалдық кодексі	17 беттің 9-беті

- 2) ойдан шығарылған фактілер немесе дереккөздер;
- 3) жалған медициналық анықтамалар;
- 4) оқуға түсу үшін жалған құжаттар;
- 5) жалған ұсыным және басқа да хаттар;
- 6) жалған транскрипттер, дипломдар немесе басқа да тіркеу деректері;
- 7) бағалау деректерін немесе емтихан материалын өзгерту.

8. Құжаттар мен бағаларды бұрмалау. Құжаттарды бұрмалау – білім алушы туралы қандай да бір ақпараттың саналы түрде бұрмалануына әкелетін академиялық алдаудың бір нысаны. Құжаттарды бұрмалау адам мынадай әрекет жасаған кезде орын алады:

- 1) Университетке берілетін жалған өтінішті, қаржылық көмек туралы өтінішті немесе кез келген басқа ресми құжаттарды ұсынса;
- 2) Босатылған сабақтар, емтихандар, уақтылы орындалмаған жұмыстар үшін немесе басқа себептер бойынша жалған не дұрыс емес медициналық анықтама ұсынса;
- 3) Жалған немесе заңсыз өзгертілген студенттік билетті пайдаланса;
- 4) Үлгерім ведомостарын немесе басқа академиялық құжаттарды қолдан жасаса.

9. Өзін басқа адам ретінде көрсету. Емтихан, тест немесе зертханалық тапсырмаларды орындау кезінде академиялық пайда алу мақсатында өзін өзге тұлға ретінде көрсетуге бағытталған әрекеттер Академиялық адалдық кодексін бұзу ретінде қаралады.

10. Деректерді жасыру. Жаңылыстыру немесе академиялық артықшылықтар алу мақсатында ақпаратты, оның ішінде транскрипттер мен өзге де академиялық құжаттарды қасақана жасыру Академиялық адалдық кодексін бұзу ретінде қаралады.

11. Жасанды интеллектіні қолдану саясатын бұзу.

1) Оқу тапсырмаларын орындау кезінде білім алушының білім беру процесіне жеткілікті қатысуынсыз генеративті жасанды интеллект (ЖИ) технологияларын шамадан тыс пайдалану академиялық адалдық қағидаттарын бұзу болып табылады.

2) Білім алушыларға ЖИ қолданылып орындалған жұмыстарды, егер осы технологияларды пайдалану анық көрсетілмеген болса, өз жұмысы ретінде ұсынуға тыйым салынады.

3) Оқу тапсырмаларын орындаудың мақсаты тек нәтижеге жетуде ғана емес, сондай-ақ білім алушылардың аналитикалық, зерттеушілік және шығармашылық қабілеттерін дамытуда. ЖИ қолдану білім алушының өзіндік жұмысын алмастырмауға тиіс. Білім алушы қойылған міндеттерді шешу кезінде өз білімі мен білігін көрсетуге міндетті.

4) ЖИ-ды шамадан тыс немесе жасырын пайдалану фактілері Академиялық адалдық кодексін бұзу ретінде қаралады және тәртіптік жауапкершілікке әкеп соғады.

Коммерциялық емес акционерлік қоғам «Д. Серікбаев атындағы Шығыс Қазақстан техникалық университеті»		
К КеАҚ «ШҚТУ» 059-II-2025	«Д. Серікбаев атындағы ШҚТУ» КеАҚ білім алушыларының академиялық адалдық кодексі	17 беттің 10-беті

5) Білім алушылар ЖИ технологияларын білім беру мақсатында – оқу қызметінің тиімділігін арттыру, уақытты басқару, ақпаратты іздеу және жүйелеу, сондай-ақ оқу материалдарының жазбаларын, конспекттері мен қысқаша шолуларын автоматтандырылған түрде жасау үшін пайдалана алады.

6) ЖИ қолданылып орындалған жазбаша, графикалық, мультимедиялық және өзге де нысандағы жұмыстарда білім алушылар тиісті технологиялардың пайдаланылғаны туралы оқытушыны хабардар етуге, олардың атауын және (бар болса) дереккөзге сілтемені көрсетуге міндетті.

7) Бітіру біліктілік және ғылыми-зерттеу жұмыстарын дайындау кезінде генеративті ЖИ технологияларын пайдаланғанда барлық нәтижелер, ережелер, ұсынымдар мен тұжырымдар автордың өзі дербес тұжырымдауға тиіс.

8) Бітіру және (немесе) ғылыми-зерттеу жұмысының авторы ЖИ қолдану фактісін, оның ішінде технология пайдаланылған кезеңдердің сипаттамасын, сондай-ақ алынған деректердің дұрыстығын тексеру әдістерін және оларды өңдеу мен түсіндіру тәсілдерін көрсетуге тиіс. Мұндай мәліметтердің болмауы жұмыста ЖИ технологияларын пайдалану фактілерінің жоқтығын растау ретінде қаралады.

9) Плагиатты жасыру немесе оны анықтау мүмкіндігін төмендету мақсатында техникалық құралдар мен технологияларды, оның ішінде генеративті ЖИ-ды қолдануға жол берілмейді.

10) Бітіру және ғылыми жұмыстарды дайындау кезінде генеративті ЖИ технологияларын пайдалануға тек ғылыми жетекшінің (немесе кеңесшінің) алдын ала мақұлдауымен ғана жол беріледі.

11) ЖИ-ды оны қолдану туралы мәліметтерді, оның ішінде атауын, өндірушісін (кұқық иеленушісін), нұсқасын, сондай-ақ жүгіну және (немесе) пайдалану күнін көрсетпей пайдалану академиялық адалдық қағидаттарын бұзады.

12. А санатындағы академиялық бұзушылықтар.

1) А санатындағы бұзушылықтар – А санатындағы санкцияларды қолдануға әкелетін академиялық бұзушылықтар.

2) А санатындағы бұзушылықтар тәжірибесіздік немесе академиялық қағидаттарды білмеу себебінен туындауы мүмкін және көбіне бұзушылық жасаған білім алушы тарапынан адалдықсыз ниеттің салдары болып табылмайды.

3) А санатындағы бұзушылықтарға мыналар жатады, бірақ олармен шектелмейді:

4) Шағын зертханалық немесе үй тапсырмаларын орындау кезінде, егер жұпта жұмыс істеуге рұқсат етілмесе, басқа білім алушымен жұпта жұмыс істеу;

Коммерциялық емес акционерлік қоғам «Д. Серікбаев атындағы Шығыс Қазақстан техникалық университеті»		
К КеАҚ «ШҚТУ» 059-II-2025	«Д. Серікбаев атындағы ШҚТУ» КеАҚ білім алушыларының академиялық адалдық кодексі	17 беттің 11-беті

5) Тапсырманың шағын бөлігінде сілтемелердің немесе дереккөздерге тиісті сілтемелердің болмауы; дәйексөз келтірілген мәтінге сілтеме жасамай идеяны немесе жалпы дәлелді пайдалану;

6) Алдыңғы бұзушылықтарсыз дәйексөздердің қателесіп түсіп қалуы.

13. В санатындағы академиялық бұзушылықтар. В санатындағы бұзушылықтар – В санатындағы санкцияларды қолдануға әкелетін академиялық бұзушылықтар. В санатындағы бұзушылықтардың мысалдарына мыналар жатады, бірақ олармен шектелмейді:

1) Дереккөзді көрсетпей немесе тырнақшаны пайдаланбай тікелей дәйексөз келтіру немесе қалыпты шектерде қайталап баяндау;

2) Жұмысты екінші немесе кейінгі рет тапсыратын оқытушының рұқсатынсыз бір сабақтан артық талаптарды қанағаттандыру мақсатында басқа жұмыстың көшірмесі немесе елеулі бөлігі болып табылатын жұмысты тапсыру;

3) Зертханалық есептер үшін деректерді немесе түсіндірме материалдарды дереккөзді не жұмысқа қатысушыларды тиісінше көрсетпей пайдалану. Деректерді жинаудың барлық дереккөздері немесе қатысушылары және/немесе баяндаманы дайындауға тартылғандар көрсетілуге тиіс;

4) Тапсырмаларды немесе жобаны орындайтын басқа тұлғаларды көрсету тәртібін сақтамау, мысалы, зерттеулерде, статистикалық талдауда, компьютерлік бағдарламалауда, дала деректерін жинауда, жазбаша жұмыстарда көмек көрсету кезінде, егер мұндай көмек тапсырманың ажырамас бөлігі болса;

5) Емтихан өткізу кезінде басқа білім алушының емтихан парағынан көшіріп жазу, емтихан уақыты аяқталғаннан кейін сөйлесу немесе жұмысты жазуды жалғастыру.

14. С санатындағы академиялық бұзушылықтар.

С санатындағы бұзушылықтар – С санатындағы санкцияларды қолдануға әкелетін академиялық бұзушылықтар. С санатындағы бұзушылықтардың мысалдарына мыналар жатады, бірақ олармен шектелмейді:

1) Санкциялардың бұрын қолданылған-қолданылмағанына қарамастан, А санаты немесе В санаты бойынша қайталап бұзушылық жасау;

2) Қандай да бір оқу тапсырмасын (бағамен немесе онсыз), емтиханды, курстық жұмысты, дипломдық жобаны (жұмысты), магистрлік диссертацияны, докторлық диссертацияны, жариялауға арналған ғылыми мақаланы, жұмыс баяндамасын немесе конференцияға арналған баяндаманы не өз еңбегі ретінде ұсынылған кез келген басқа жазбаша жұмысты орындауда басқа тұлғаның жұмысын өз жұмысы ретінде ұсыну;

3) Емтихан кезінде оқытушының рұқсатынсыз шпаргалкаларды, ұялы телефондарды, компьютерлерді, кітаптарды, калькуляторларды және басқа материалдарды/құрылғыларды пайдалану;

Коммерциялық емес акционерлік қоғам «Д. Серікбаев атындағы Шығыс Қазақстан техникалық университеті»		
К КеАҚ «ШҚТУ» 059-II-2025	«Д. Серікбаев атындағы ШҚТУ» КеАҚ білім алушыларының академиялық адалдық кодексі	17 беттің 12-беті

- 4) Жазбаша тапсырманың басым бөлігінде плагиат;
- 5) Емтихан кезінде көшіріп жазуға ықпал ету;
- 6) Курстық жұмыстар сияқты сатып алынған материалдарды тапсыру;
- 7) Ойдан шығарылған немесе қасақана бұрмаланған материалдарды ұсыну арқылы деректерді қолдан жасау және бұрмалау;
- 8) Академиялық адалдықты бұзу, мысалы, бағалар ведомосын қолдан жасау, профессордан немесе университеттің, колледждің кеңсесінен емтихан материалдарын ұрлау, ұрланған емтихан материалдарын сатып алу, үлгерім ведомосын бұрмалау, университетте, колледжде орындалған жұмыс жазбаларын бұрмалау;
- 9) Емтихан тапсыру үшін өзін басқа тұлғамен алмастыру немесе басқа тұлғаның орнына емтихан тапсыру;
- 10) Емтихан материалдарының көшірмелерін рұқсат етілмеген түрде тарату;
- 11) Емтихан кезінде ақпаратпен рұқсат етілмеген түрде алмасу әдістерін әзірлеу мақсатында білім алушылардың емтихан алдында сөз байласуы.

6. Академиялық бұзушылықтар үшін санкциялар санаттары

15. Оқу тәртібін бұзу А, В немесе С санатындағы санкциялардың кез келгенін қолдануға әкелуі мүмкін. Бұзушылықтың әрбір жеке жағдайы оқиғаның ауырлық дәрежесін, бұрын тіркелген бұзушылықтардың бар-жоғын және университеттің мүдделері мен міндеттеріне қаншалықты нұқсан келгенін ескере отырып, жеке бағаланады.

16. А санатындағы академиялық бұзушылықтар үшін санкциялар:

- 1) Ауызша сөгіс;
- 2) Тек білім алушыға ғана жазбаша сөгіс;
- 3) Кредит алмай қосымша сабақтарға, этика немесе академиялық адалдық бойынша семинарларға қатысу талабы;
- 4) Этика немесе академиялық адалдық бойынша жазбаша тапсырма немесе зерттеу жобасы;
- 5) Бірінші тапсырмадан күрделірек қосымша тапсырманы орындау;
- 6) Тапсырмалар бойынша сынақтан өтпеу, бұл плагиат жағдайындағы ең жеңіл жаза болып табылады.

17. В санатындағы академиялық бұзушылықтар үшін санкциялар:

- 1) Білім алушының жеке ісіне енгізілген жазбаша сөгіс;
- 2) Нақты тапсырма немесе емтихан үшін төмен не қанағаттанарлықсыз баға. Нақты тапсырма немесе емтихан үшін қанағаттанарлықсыз баға елеулі плагиатқа немесе көшіріп жазуға байланысты кез келген бұзушылық үшін ең жеңіл жаза болуға тиіс;
- 3) Білім алушыларды аяқталмаған курстан шеттету;
- 4) Белгілі бір мерзімге тәртіптік ескерту немесе сынақ мерзімі;
- 5) А санатында сипатталған қатаңдығы төмен кез келген жаза.

Коммерциялық емес акционерлік қоғам «Д. Серікбаев атындағы Шығыс Қазақстан техникалық университеті»		
К КеАҚ «ШҚТУ» 059-ІІ-2025	«Д. Серікбаев атындағы ШҚТУ» КеАҚ білім алушыларының академиялық адалдық кодексі	17 беттің 13-беті

18. С санатындағы академиялық бұзушылықтар үшін санкциялар:

- 1) Университеттен, колледжден шығару, оқу ақысы қайтарылмайды;
- 2) Білім алушыларды барлық ағымдағы курстардан шеттету, ақы қайтарылмайды.

7. Барлық санаттағы санкцияларды қолдану рәсімдері

19. А санатындағы санкцияларды қолдану рәсімдері:

- 1) А санатындағы санкциялар оқытушының қалауы бойынша қолданылуы мүмкін;
- 2) оқытушы академиялық бұзушылық жасалды деп күдіктенуге негіздерді талқылау үшін білім алушымен кездесуге тиіс;
- 3) оқытушы санкцияны қолдану туралы жазбаша есепті өзі жұмыс істейтін мектеп деканының орынбасарына, колледждің оқу ісі жөніндегі меңгерушісіне жіберуге тиіс;
- 4) А санатындағы санкциялар салынғаннан кейін білім алушы оқытушының санкция салу туралы шешіміне дау айту мақсатында декан орынбасарына, колледждің оқу ісі жөніндегі меңгерушісіне жазбаша шағым беруге құқылы;
- 5) декан орынбасары, колледждің оқу ісі жөніндегі меңгерушісі жағдайды талқылау үшін білім алушымен және оқытушымен кездесу тағайындай алады және өзі әділ деп есептейтін өзге де әрекеттерді қабылдай алады;
- 6) декан орынбасары, колледждің оқу ісі жөніндегі меңгерушісі барлық тәртіптік әрекеттер бойынша құжаттаманың (хаттамалардың, есептердің, түсініктемелердің) ұсынылуын қамтамасыз етуге тиіс.

20. Академиялық бұзушылықтар үшін В санатындағы санкцияларды қолдану рәсімдері:

- 1) Оқытушы академиялық бұзушылық үшін В санатындағы санкцияларды қолдануға негіздер бар деп есептеген жағдайларда, ол болжамды бұзушылықтың сипатын, оқиғаның шын мәнінде орын алғанын дәлелдеу негіздерін егжей-тегжейлі сипаттайтын жазбаша есеп дайындауға және В санатындағы санкцияларды ұсынуға тиіс. Оқытушы есептің көшірмесін білім алушыға және жеке көшірмесін декан орынбасарына ұсынуға тиіс;
- 2) Есепті алғаннан кейін декан орынбасары, колледждің оқу ісі жөніндегі меңгерушісі осы іс бойынша одан әрі тексеру жүргізуге және тыңдау өткізу үшін оқытушымен, білім алушымен, сондай-ақ білім алушы оқитын мектеп деканының орынбасарымен, колледждің оқу ісі жөніндегі меңгерушісімен кездесуге тиіс. Мұндай тыңдаудан кейін 48 сағат ішінде декан орынбасары, колледждің оқу ісі жөніндегі меңгерушісі қандай санкция қолданылатынын және ол білім алушыға қатысты қолданылатын-қолданылмайтынын айқындауға тиіс;

Коммерциялық емес акционерлік қоғам «Д. Серікбаев атындағы Шығыс Қазақстан техникалық университеті»		
К КеАҚ «ШҚТУ» 059-II-2025	«Д. Серікбаев атындағы ШҚТУ» КеАҚ білім алушыларының академиялық адалдық кодексі	17 беттің 14-беті

3) В санатындағы санкцияны қолдануды жазбаша тағайындауды білім алушыға, оқытушыға және білім алушы оқитын мектеп деканының орынбасарына, колледждің оқу ісі жөніндегі меңгерушісіне тапсыру қажет;

4) Білім алушы деканға, колледж директорына істі қайта қарау туралы сұрау жіберуге құқылы. Қайта қараудан кейін, егер ол болса, деканның, колледж директорының шешімі түпкілікті болуға тиіс;

5) В санатындағы санкцияларды қолдану білім алушының үлгерім ведомосында тіркелуге, ал барлық жазбаша материалдар мен тыңдау хаттамасы білім алушының жеке ісіне салынуға тиіс.

21. С санатындағы санкцияларды қолдану рәсімдері:

1) Оқытушы академиялық бұзушылық үшін С санатындағы санкцияларды қолдануға негіздер бар деп есептеген жағдайда, ол болжамды бұзушылықтың сипатын, оқиғаның шын мәнінде орын алғанын растау негіздерін егжей-тегжейлі сипаттайтын жазбаша есепті және қолдану үшін ұсынылатын С санатындағы санкцияны дайындауға тиіс. Оқытушы жазбаша есептің көшірмесін білім алушыға және жеке көшірмесін декан орынбасарына ұсынуға тиіс;

2) Декан орынбасары, колледждің оқу ісі жөніндегі меңгерушісі оқытушының есебін алғаннан кейін одан әрі тексеру жүргізуге және тексеру нәтижелері туралы есептің көшірмесін деканға, оқытушыға және білім алушыға ұсынуға тиіс;

3) Декан орынбасарының, колледждің оқу ісі жөніндегі меңгерушісінің есебін алғаннан кейін декан, колледж директоры оқытушымен, білім алушымен, білім алушы оқитын мектеп деканының орынбасарымен, колледждің оқу ісі жөніндегі меңгерушісімен кездесуге тиіс;

4) Кездесу хаттамасын жүргізу қажет;

5) Тыңдаудан кейін 48 сағат ішінде декан, колледж директоры қандай санкция қолданылатынын және ол білім алушыға қатысты қолданылатын-қолданылмайтынын айқындауға тиіс;

6) Мектеп деканы, колледж директоры Басқарма мүшесі – академиялық мәселелер жөніндегі проректорға санкцияны қолдану туралы ұсынымды, барлық қосымша құжаттарды, оның ішінде оқытушының бастапқы есебін, декан орынбасарының, колледждің оқу ісі жөніндегі меңгерушісінің тексеру туралы есебін, білім алушының түсініктеме хатын және осы уақыт ішінде іс бойынша қалыптастырылған басқа да қосымша құжаттарды жіберуге тиіс;

7) Ұсынылған құжаттар негізінде Басқарма мүшесі – академиялық мәселелер жөніндегі проректор ұсынылатын санкцияны қолдануды тапсырады;

8) Басқарма мүшесі – академиялық мәселелер жөніндегі проректордың шешімі туралы жазбаша хабарлама берілген күннен бастап 10 күн ішінде айыпталушы білім алушы Басқарма төрағасы – ректордың атына жазбаша апелляция ұсына алады;

Коммерциялық емес акционерлік қоғам «Д. Серікбаев атындағы Шығыс Қазақстан техникалық университеті»		
К КеАҚ «ШҚТУ» 059-II-2025	«Д. Серікбаев атындағы ШҚТУ» КеАҚ білім алушыларының академиялық адалдық кодексі	17 беттің 15-беті

9) Білім алушы Басқарма мүшесі – академиялық мәселелер жөніндегі проректордың шешіміне шағымданудан бас тартқан жағдайда, жаза түпкілікті деп танылады;

10) Барлық жағдайларда Басқарма төрағасы – ректордың шешімі түпкілікті болып табылады;

11) Барлық жазбаша материалдар мен тыңдау хаттамасы білім алушының жеке ісіне салынуға тиіс.

8. Кездесулер мен тыңдаулар рәсімін өткізу тәртібі мен қағидалары

22. Кездесулер мен тыңдауларды өткізу рәсімдері мынадай тәртіппен жүзеге асырылады:

1) Кездесулер мен тыңдаулар еркін және дұшпандық емес нысанда өтуге тиіс;

2) Білім алушының тыңдалуға құқығы бар;

3) Тыңдау хаттамасы жүргізіледі;

4) Тыңдаулар жұртшылықтан жабық форматта өткізілуге тиіс;

5) Кездесулер мен тыңдауларға қатысушылардың барлығы істердің құпиялылығын сақтауға тиіс.

9. Білім алушыларға арналған жалпы ұсынымдар

23. Академиялық адалдық нормалары мен қағидаларын сақтау кезінде «Д. Серікбаев атындағы ШҚТУ» білім алушыларына мыналар ұсынылады:

1) Кез келген жағдайда адал болу;

2) Тәртіпті бұзбау, көшіріп жазу немесе өзге жолмен басқа білім алушылардан әділетсіз артықшылық іздемеу;

3) Өзін лайықты ұстау, академиялық бұзушылықтардың кез келген нысанына қарсы тұру, куә болған бұзушылық актілері туралы хабарлау;

4) Плагиаттың не екенін білу және оны болдырмау үшін шаралар қабылдау. Басқа адамның сөздері мен идеяларын, тіпті өз сөзімен қайталап баяндалған болса да, пайдалану кезінде дереккөзді көрсету. Егер өзгенің ойлары немесе идеялары пайдаланылғанына сенімді болмаса, тапсырма берген оқытушымен кеңесу қажет;

5) Академиялық бұзушылықтарға қатысты университет қағидаларын бұзбау, университеттен шеттетуге немесе шығаруға дейін тәртіптік жауапкершілік көтеретінін білу;

6) Кез келген сыбайлас жемқорлық көріністеріне қарсы тұру, ақшалай сыйақы, сыйлық, дәм ұсынбау және бермеу, жоғары баға алу мақсатында туыстық қатынастарды, қызметтік байланыстарды пайдаланбау;

7) Дәлелді себепсіз сабақтарды, емтихандарды және академиялық қызметтің өзге де түрлерін босатуға және оларға кешігуге жол бермеу.

Коммерциялық емес акционерлік қоғам «Д. Серікбаев атындағы Шығыс Қазақстан техникалық университеті»		
К КеАҚ «ШҚТУ» 059-ІІ-2025	«Д. Серікбаев атындағы ШҚТУ» КеАҚ білім алушыларының академиялық адалдық кодексі	17 беттің 16-беті

10. Білім алушылардың академиялық адалдығын қамтамасыз ету жөніндегі сыбайлас жемқорлыққа қарсы комплаенс қызметінің рөлі мен функциялары

24. Сыбайлас жемқорлыққа қарсы комплаенс қызметі өз өкілеттіктері шеңберінде академиялық адалдықты, этиканы және сыбайлас жемқорлық көріністеріне төзбеушілікті қамтамасыз етуге бағытталған қызметті жүзеге асырады, ол мыналардан тұрады:

1) академиялық бұзушылықтар мен сыбайлас жемқорлық көріністері фактілері бойынша білім алушылардың, университет қызметкерлерінің өтініштерін қабылдау және қарау;

2) хабарламалар беруге арналған анонимді арналардың жұмыс істеуін қамтамасыз ету;

3) академиялық адалдықтың сақталуына мониторинг жүргізу;

4) оқыту семинарлары мен консультацияларын өткізу;

5) профилактикалық іс-шараларды әзірлеу және өткізу;

6) академиялық бұзушылықтар мен сыбайлас жемқорлық көріністерін жасау фактілері бойынша білім алушылар мен университет қызметкерлеріне қатысты қызметтік тексерулер жүргізу;

7) білім алушылар немесе университет қызметкерлері тарапынан сыбайлас жемқорлық фактілері расталған жағдайда – материалдарды уәкілетті құқық қорғау органдарына беру.

25. Сыбайлас жемқорлыққа қарсы комплаенс қызметі Университеттің Сыбайлас жемқорлыққа қарсы іс-қимыл саясатына сәйкес өтініш берушілердің құпиялылығын, оларды қудалау мен қуғын-сүргіннен қорғауды қамтамасыз етеді.

11. Профилактика және оқыту

26. Әрбір білім алушы Университетке түскен кезде осы Кодекспен танысуға және тиісті танысу актісіне қол қоюға міндетті.

27. «Құқық және сыбайлас жемқорлыққа қарсы мәдениет негіздері» оқу пәні шеңберінде білім алушылар академиялық этика мен адалдық негіздерін оқиды.

12. Қорытынды ережелер

28. Кодекс барлық білім алушылар мен ПОҚ үшін міндетті.

29. Кодекстің сақталуын бақылауды Академиялық қызмет департаменті, Әлеуметтік, жастар саясаты және инклюзивті даму департаменті, деканаттар, оқытушылар және сыбайлас жемқорлыққа қарсы комплаенс қызметі жүзеге асырады.

Коммерциялық емес акционерлік қоғам «Д. Серікбаев атындағы Шығыс Қазақстан техникалық университеті»		
К КеАҚ «ШҚТУ» 059-II-2025	«Д. Серікбаев атындағы ШҚТУ» КеАҚ білім алушыларының академиялық адалдық кодексі	17 беттің 17-беті

1-қосымша

Өзгерістерді тіркеу парағы

К КеАҚ «ШҚТУ» 059-II-2025 құжатына
«Д. Серікбаев атындағы ШҚТУ» КеАҚ білім алушыларының
академиялық адалдық кодексі

№	Өзгерістер енгізу туралы өкімдік құжаттың атауы	Өзгерісті бекіту күні	Осы данаға өзгерісті енгізді		
			Құжаттандыруға жауапты адамның Т.А.Ә.	Қолы	Күні